

rirá ao interesado para que no prazo de dez días aboe as cotas correspondentes, con apercibemento de que, transcorrido dito prazo sen efectualo, teranse os escritos por non presentados e será arquivada a solicitude sen máis trámites.

ARTIGO 10º.—INFRACCIÓNS E SANCIÓN S

En todo o relativo á cualificación de infraccións tributarias, así como das sancións que ás mesmas lles corresponde en cada caso, estarase ao disposto nos artigos 181 e seguintes da Lei Xeral Tributaria.

DISPOSICIÓN DERROGATORIA

Quedan automaticamente derogadas todas as disposicións anteriores á aprobación desta Ordenanza e que contradigan os seus enunciados, e nomeadamente a Ordenanza Fiscal Reguladora da Taxa por Expedición de Documentos Administrativos aprobada polo Pleno da Corporación en sesión celebrada o 9 de decembro de 2000.

DISPOSICIÓN FINAL

A presente Ordenanza, aprobada polo Pleno da Corporación en data 22 decembro de 2004, entrará en vigor unha vez publicada no Boletín Oficial da Provincia e comezará a aplicarse a partir do 1 de xaneiro de 2005, permanecendo en vigor ata a súa derogación expresa ou tácita.

Moaña, a 23 de decembro de 2004.—O Alcalde, ilexible.

ORDENANZA FISCAL REGULADORA DA TAXA POLO SERVICIO DE CEMITERIOS

ARTIGO 1º.—FUNDAMENTO E NATUREZA

En uso das facultades conferidas polos artigos 133.2 e 142 da Constitución e polo artigo 106 da Lei 7/1985, do 2 de abril, reguladora das Bases do Réxime Local, e de conformidade co disposto no artigo 20.4 e) do Real Decreto Lexislativo 2/2004 de 5 de marzo, polo que se aproba o Texto Refundido Lei de Facendas Locais, este Concello continúa coa taxa polo servizo de cemiterios municipais, que se rexerá pola presente ordenanza fiscal, que nas súas normas atende ó previsto no artigo 57 do citado Real Decreto Lexislativo.

ARTIGO 2º.—FEITO IMPOÑIBLE

Constitúe o feito impoñible da taxa a prestación dos servizos de cemiterios municipais, tales como: asignación de espazos para enterramentos; permisos de construción de panteóns ou sepulturas e ocupación dos mesmos; redución, incineración; movementos e colocación de lápidas, enrellados e adornos; conservación dos espazos destinados a descanso dos defuntos; e outros servizos que sexan procedentes ou se autoricen a instancia de parte.

ARTIGO 3º.—SUXEITO PASIVO

Son suxeitos pasivos contribuíntes as persoas físicas e xurídicas e as entidades a que se refire o artigo 35 da Lei Xeral Tributaria, solicitantes da concesión da autorización municipal ou da prestación do servizo e, no seu caso, os titulares das autorizacións concedidas.

ARTIGO 4º.—RESPONSABLES

1.—Responderán solidariamente das obrigacións tributarias do suxeito pasivo as persoas físicas ou xurídicas

a que se refire o artigo 42 da Lei Xeral Tributaria. 2.—Serán responsables subsidiarios as persoas ou entidades que sinala o artigo 43 da Lei Xeral Tributaria.

ARTIGO 5º.—EXENCIÓNS SUBXECTIVAS

Estarán exentos os servizos que se presten con ocasión de:

a) Os enterramentos dos asilados procedentes da beneficencia, sempre que a condución se verifique por conta dos establecementos mencionados e sen ningunha pompa fúnebre que sexa costeada polos familiares dos falecidos.

b) Os enterramentos de cadáveres de pobres de solemidade.

c) As inhumacións e exhumacións que ordene a autoridade xudicial. **ARTIGO 6º.—COTA TRIBUTARIA**

A cota tributaria desta taxa determinarase por aplicación da seguinte tarifa:

a) 1.—Licencias de inhumación ou enterramento: 45,00 euros.

2.—Licencias de exhumación de restos: 30,00 euros.

b) Concesión de nichos. Por cada concesión de 4 nichos ou grupos de nichos: 2.520,00 euros c) Por cada licenza para colocación de lápidas, cruces, inscricións e outros adornos: 18,00 euros.

d) Por limpeza total de cada fila de nichos ou 0,50 cm. de fronte: 18,00 euros.

ARTIGO 7º.—DEVENGO

Devéngase a taxa e nace a obriga de contribuír cando se inicie a prestación dos servizos suxeitos a gravame, entendéndose, a estes efectos, que dita iniciación prodúcese coa solicitude daqueles.

ARTIGO 8º.—DECLARACIÓN, LIQUIDACIÓN E INGRESO

1.—Os suxeitos pasivos solicitarán a prestación dos servizos no rexistro xeral do Concello.

2.—No intre de presentar a solicitude, efectuarase liquidación provisional, polo importe correspondente a esta taxa, que se ingresará de inmediato na Tesourería municipal.

3.—Resolta a solicitude de licenza, practicarase liquidación definitiva, na que se deducirá o importe ingresado na liquidación provisional.

4.—En canto ao apartado b) no artigo sexto, o Concello poderá conceder prazos, previo acordo da Comisión de Goberno, para o ingreso do importe da concesión (2.520,00 euros). O título da concesión outorgarase no momento de liquidar o último prazo.

ARTIGO 9º.—INFRACCIÓNS E SANCIÓN S

En todo o relativo á cualificación de infraccións tributarias, así como das sancións que as mesmas correspondan en cada caso, estarase ó disposto nos artigos 77 e seguintes da Lei Xeral Tributaria e disposicións concordantes.

DISPOSICIÓN DERROGATORIA.—A partir da entrada en vigor da presente modificación, queda derogada a Ordenanza Fiscal Reguladora da Taxa de Cemiterios Municipais aprobada definitivamente polo Pleno da Corporación o 26 de marzo de 1998 e todas aquelas disposicións anteriores que contradigan o agora disposto.

DISPOSICIÓN FINAL.—A presente ordenanza fiscal, aprobada polo Pleno da corporación en sesión celebrada o 22 de decembro de 2004, entrará en vigor ao día seguinte da súa publicación no Boletín Oficial da Provin-

cia, e será de aplicación a partir do 1 de xaneiro de 2005, permanecendo en vigor ata súa modificación ou derrogação expresa ou tácita.

Moaña, a 23 de decembro de 2004.—O Alcalde, ilexible.

ORDENANZA FISCAL REGULADORA DA TAXA POR UTILIZACIÓN DE INSTALACIÓNS DEPORTIVAS MUNICIPAIS E CENTROS SOCIO-CULTURAI

ARTIGO 1º.—FUNDAMENTO E NATUREZA

En uso das facultades conferidas polos artigos 133.2 e 142 da Constitución e polo artigo 106 da Lei 7/1985, do 2 de abril, reguladora das Bases do Réxime Local, e de conformidade co disposto no artigo 20.4 o) do Real Decreto Legislativo 2/2004 de 5 de marzo, polo que se aproba o Texto Refundido Lei de Facendas Locais, este Concello establece a taxa por utilización de instalacións deportivas e culturais de titularidade municipal, que se rexerá pola presente ordenanza fiscal, que nas súas normas atende ó previsto no artigo 57 do citado Real Decreto Legislativo.

ARTIGO 2º.—FEITO IMPOÑIBLE

A taxa regulada nesta ordenanza constitúe unha prestación de servizos de instalacións deportivas e centros socio-culturais, de acordo co disposto no artigo 20. 4 o) do TRLFL que se satisfará polos usuarios que voluntariamente soliciten a utilización das instalacións deportivas e culturais municipais que a continuación se detallan:

- Pavillóns polideportivos do Rosal, Reibón e Domaio.
- Instalacións deportivas do Beque.
- Campo de fútbol municipal.
- Centros socio-culturais de titularidade municipal.

ARTIGO 3º.—SUXEITO PASIVO

Son suxeitos pasivos contribuíntes as persoas físicas e xurídicas e as entidades a que se refire o artigo 35 da Lei Xeral Tributaria, solicitantes da concesión da autorización municipal ou da prestación do servizo e, no seu caso, os titulares das autorizacións concedidas.

ARTIGO 4º.—RESPONSABLES

1.—Responderán solidariamente das obrigacións tributarias do suxeito pasivo as persoas físicas ou xurídicas a que se refire o artigo 42 da Lei Xeral Tributaria. 2.—Serán responsables subsidiarios as persoas ou entidades que sinala o artigo 43 da Lei Xeral Tributaria.

ARTIGO 5º.—TARIFAS

A taxa que se debe pagar ao Concello pola utilización das instalacións deportivas e socio-culturais municipais axustarase ás seguintes tarifas:

EPÍGRAFE 1º.—Por utilización dos Pavillóns do Rosal, Reibón e Domaio:

-Actividades con finalidade lucrativa: 30,00 euros/hora ou fracción.

-Actividades sen ánimo de lucro, cando se utilice duchas e vestiarios: 10,00 euros/hora ou fracción.

-Actividades sen ánimo de lucro, sen utilización de duchas e vestiarios: 7,00 euros/hora ou fracción.

EPÍGRAFE 2º.—Por utilización das instalacións deportivas do Beque (por pista):

-Actividades con finalidade lucrativa: 20,00 euros/hora ou fracción.

-Actividades sen ánimo de lucro, cando se usen duchas e vestiarios: 4,00 euros/hora ou fracción.

-Actividades sen ánimo de lucro, sen utilización de vestiarios ou duchas: 3,00 euros/hora ou fracción

EPÍGRAFE 3º.—Campo de Fútbol Municipal:

-Actividades deportivas: 60,00 euros/hora ou fracción

-Actividades extradeportivas: 90,00 euros/hora ou fracción

-Uso de focos: 30,00 euros/hora ou fracción

EPÍGRAFE 4º.—Centros socio-culturais de titularidade municipal:

-Actividades lucrativas: 30,00 euros/hora ou fracción

EPÍGRAFE 5º.—Utilización da zona de acampada do Beque:

-En actividades concertadas co Concello: 2,50 euros/tenda/día.

-En actividades non concertadas ou con finalidade lucrativa:

-Por tenda de campaña: 3,00 euros/tenda/día.

-Por persoa: 3,00 euros/persoa/día.

-Por conexión eléctrica: 2,25 euros/tenda/día.

ARTIGO 6º.—NORMAS DE XESTIÓN

1.—As solicitudes para a utilización das instalacións deportivas ou culturais de propiedade municipal, —excepto as sinaladas nos epígrafes 2º e 5º—, serán realizadas nun escrito dirixido á Alcaldía polos interesados, cunha antelación mínima de 3 días hábiles en relación ao momento en que se pretenda a súa utilización, concretando a data, hora, actividade a desenvolver e demais circunstancias de interés.

2.—O devengo da taxa orixinarase no momento en que se autorice a utilización das instalacións deportivas e culturais enumeradas no artigo 2º. A autorización corresponderá á Alcaldía. O persoal encargado das instalacións non permitirá a súa utilización sen a presentación da autorización municipal e do xustificante de ter ingresado a correspondente taxa.

3.—A liquidación da taxa realizarase pola Administración municipal e o ingreso farase, ben na Tesourería municipal ou en calquera das entidades bancarias nas que o Concello ten conta aberta, unha vez sexa autorizada a utilización das correspondentes instalacións.

4.—No caso das instalacións sinaladas nos epígrafes 2º e 5º non será precisa a solicitude ante a Alcaldía e o pago da taxa realizarase nas propias instalacións, contra entrega de billete convenientemente dilixenciado.

5.—Cando por causas non imputables ao obrigado a pagamento da taxa, a utilización non teña lugar, procederá a devolución do importe correspondente.

6.—No caso de existir varias solicitudes coincidentes, darase preferencia, no caso dos particulares, aos empadroados no Concello de Moaña e, no caso das entidades, ás que teñan a súa sede social no Concello. En calquera caso, prevalecerán as actividades non lucrativas sobre as lucrativas; as actividades de competición oficial ou programada sobre as puntuais e as organizadas ou patrocinadas polo Concello de Moaña sobre calquera outra.

ARTIGO 7º.—EXENCIÓNS E BONIFICACIÓNS

Estarán exentos do pago da taxa fixada nesta ordenanza:

-O Concello de Moaña e as actividades organizadas ou patrocinadas por este.

-Os Centros de Ensino do Concello de Moaña.

-Os clubs deportivos federados en competicións oficiais ou adestramentos concertados.